

于湖小集

于湖小集

目錄

詩六

懷弼廬子

一卧

盼漱丈枉過

殘荷

頌竹雞

野望

輓華蓋國師

少司馬長沙徐公出典浙試

擬贈友人

曉枕

次韻易實甫見贈

傳舍東偏有圓門戲署曰瀨鄉第九十六洞天

江漲

和家迪生登小九華

題櫟莊

寄題三花菴

再和迪生

廸生方脩興化縣志有贈

再贈

青門有逸人

雲光

野寺

感秋謠

送湯蟄仙大令之鄂州

自去年正月三日起始號芳郭鈍樵

秋漲傳舍爲水所圍

夜來山月生

欲乞量遙江上一小郡

材堪

荅滌儕

江上懷六潭兼寄滌儕

詠懷古蹟十首

神山泉

于將子  
淬劍處

慈姥竹

白馬山

戰鳥磯

大荆寒壁

小九華峰

周瑜冢

王敦壘

李藥師祠

蕭尺木宅

謝湛侯惠竹皮扇子上有刻畫山水亭榭及艸隸小  
詩

楮先生箴

蕉林下懷亡友朱鼎父

中秋江上賓酒泛舟

西偏有隙地予手植梅椅桐數十本頗爲蟲螟所侵  
生意彫疏而草花自生爛湯滿院竊雨露之光榮  
以攢布善地傷夫君子蕉萃不見容於世不若小  
人之乘時感嘆有詩

山谷道人冥坐處

荅公度

懷雲門

米海岳行書于湖新學記石刻

濠觀二絕

新磨厓

元真子

蓋公堂之東有扉局鏽年久闢之豁然開朗忽得一  
小椶子中有高柳二桑一安石榴一帶艸叢生柳  
大且十圍扶疏直上疑年殆逾一甲子矣於是斧  
榴翳畦芳艸開洞窗偃仰其中可以避世南村逸  
老賀我三日中得異境遂詩以落之

東軒詩

有敘

九日遠景樓宴集

破除

雲門書來戲荅



適獨坐

灌畦

送印根

無奇

贈程文學

重遊別

和熊州牧九日約北山登高期未赴徑還舒州之作  
得松岑白下書荅之

規立經幢

寄黃丈

沈母韓碩人挽詩

聞節庵到舒州

左文襄祠堂

九月廿九日陪節庵太史登北山

詠史

送荅華館主往海上將仍回鄂渚

題故權運河道陽湖湯君小照

十月十日

聖母皇太后慶辰祝 釐恭述

用墨

所藏漳浦黃公斷碑研旣爲詩以志其事矣再頌研  
惠遠想慨然

料理嘉筵

寄題泖上融齋書院

友人梁茗華焦山易實甫廬山皆願據爲十方常住  
記荊騰嘲

翁虞山相公遂參大政感事抒懷敬艸拙句十二章  
寄塵舛覽不自知其言之慙也雖非芝房之芻言  
亦附野人之芹獻云爾

漱丈自武昌還敬數中弢弟典試事竣乞假待行有

寄

以遠鏡望三山之巔有小園瓢疑眞隱者之所游槃  
也待訪其處先志以詩

江上

示兒

讀南岳賈躋翁集

寄茗華

投隱

張高

瀨上雙臺八松歌

桃椎子

蟄仙太史來主翠螺書院

趣滌儕校刻藥地炮莊

政在

小懺

自訟

次韻荅子衡

弢廬子以稽古之力新荷  
天恩賜五品服贈言

志賀

汪菊畝爲我作富春溪山卧游圖因識其上

戲廣陶潭十二景

一覽亭

千佛厓

待雲徑

夢日廬

滴翠軒

飛丹閣

干將試劒泉

酒姥玩鞭舍

蟪蛄竹峴

牛渚茅龕

大荆山湖秋泛

小蓬萊榭雪眺

續作二絕

遠景樓觀鐵如意舞

放生池誦金光明經

題觀物觀我之室

窮冬

漠漠

督部陶公餉甘州枸杞

陪致仕納言黃丈暨仲弼叔頌兩星使登小九華  
坐是晨風日清朗有表裡江山憑眺之勝薄暮乃  
歸作詩卽題丈六十六歲行看子

牟眞子泊宅

送沈大歸雲間

對雪懷芳郭諸兄弟

偶題葉奇艸木子

大懺

探池北早梅

憩野寺



書漳浦先生文不傳人論後

前明副貢蕭尺木先生雲從墓近始訪得在嚴家山

屬饒守戎陳參軍江學博修治既竣勒石禁止藥

採設脯酒祭之

別李大令

懷芳澗宅

于湖小集

詩六

芳郭鈍椎

懷毀廬子訂西

種樹已成暢著文眞滿家杭炊君屑玉佩乞音我飛霞解

帶圍新竹披書坐落花二句集柳儀曹王無功百年隨分過何苦餌

丹沙君年六十二日服丹沙而有壯容

一卧

一卧滄洲歲月多園無漆樹幾婆娑北窗猶有竹千挺自

在清陰覆綠蘿

盼嫩丈枉過

三  
清  
集  
言  
一  
瀟散真如雲一片南鄰更挾老方來  
甕頭春色藏之久  
面緣公始一開

殘荷

黯黯靈均衣上色三年蕉萃楚江居  
還持蓮子心中苦  
迴向靈修艸諫書

頌竹雞

善鳴不鳴妙用在瘖智哉此鶻古之陸沈免充莊生之雕俎  
又無竺國頻伽音春山高高瑤林深深放汝釣瀨蒼烟  
潯始得簞竹爲室廬蘿薜爲衣襟栗皴芋賦自有餘虞人  
挾彈不見尋  
迢然一舒鸞鳳嘯  
靜俗始聞天籟竅

富春山  
有瑤林

村故徐處士勛  
以瑤林名其集

野望

種竹綠滿戶  
看山青到門  
含烟一陂稻  
臨水幾家村  
碌碌卧溪鵑  
鷓鴣長子孫  
此中有佳趣  
何必桃花源

輓華蓋國師

一衲賢於十萬師爲

君王扞國西  
陲金餅再現毗沙相  
玉帳長瞻滿月儀

長將軍庚

奏奉恩旨准其呼弼勒罕入雍和宮金奔巴  
鎖簽掣世世主管入音講承化寺呼土克圖

雲散難尋

蓮社迹道高  
應勒藥山碑  
何人爲發兵  
機笈永遺檀  
表誓

指搗

少司馬長沙徐公出典浙試

方丈仙人節又來吳山父老笑言貽扶將綠玉桃枝杖  
揜徧丹厓竹箭材福地定香亭再到洞天聞喜讌將開理公  
巖畔松成蓋細認當年舊手栽

一作洞天法  
喜讌重開

擬贈友人

我愛瞿硎仙體清心復逸俗論方蟬噪至言將不出花欵  
眞率筵竹翳蕭疏室晚持楞伽句朝參鴻寶術葛稚煉丹  
沙孫登滄竹實庭有幾行莎園無半畝漆鑿窗透虛明支  
石枕淞瑟方箋易一編然香薰道帙梧隨意瞑齋律自  
然密佳緣一見之世慮俄空失

曉枕

曉枕櫓聲嘔軋行人向宛陵  
歸卻憶嚴公石室露滴松身  
未晞

次韻易實甫見贈

雖然勞燕判東西靈府潛通一片犀  
希有幸垂响病翮干  
將祇惜半蕕泥居然除道要章客  
夢遶開先漱玉溪君督湘離  
與畫錦何異耶約同人日投詩今始報  
砭砭怯出門懸黎  
游廬山何日可踐

又

四魂浩氣兩間留才大難爲宰相收  
手注陰符三百字胸  
吞稊米九神州時平時且孝惟孝春不春  
兮秋匪秋邀子

申徒抱石去請看萬古汨羅流

原作

金陵人日喜晤  
重黎卽席有贈

龍陽

易順鼎

寶甫

忽湧相逢老漸西腰圍何用萬釘犀別公已見塵揚海愛  
我真同雲憶泥偶作半山吟蔣阜終參五祖隱曹溪何人  
傾洞資排幹精力眞追重與黎

憂患餘生性命留追尋昨夢淚難收客星未許歸嚴瀨人  
日誰期見蜀州舊雨移中談屬國新鐙桃左照春秋莫將  
舟壑爲冰炭金石何曾逐物流

傳舍東偏有圓門戲署曰瀨鄉第九十六洞天

此是華嚴法峴觀十半門啟得平寬洞房何者非蓬戶步

屨還宜支藥欄茶沸出于秋蛸竅松風旋歛春江湍老夫  
飯訖蠻花簾午枕夢中槐戰慄

江漲

江漲一夜強二尺河伯欲廣其宮爲蛟龍沙徙彼窟宅蛙  
黽霧集吾園池喚取錢王大羽箭射煞水府緋衣兒葑田  
涸出十萬頃魚陂千石行可規

和家迪生登小九華

吾宗早遂耽奇服有約支筇共看山芒屨幾人游物外精  
藍片剝出人閒已滿雙井題名迹無恙千巖石髮斑何用  
沙隄逐塵鞅只堪宴坐老禪關



又

那有烟中玉女鬟歸然亦復秀人寰靜聞添火茶甌沸更  
待秋嵐楓葉殷涪道人泉和子酌嵇中散翮許吾攀相要  
淨業休歸去日餌丹沙可駐顏

題櫟莊

子託櫟名材涕世吾真櫟矣嘿然慙迹姑寄耳園淥水心  
太平兮雲艸庵塔北干花香氣發城南雨禿淡齋甘何時  
櫟下春作社不用攜擎費酒柑

寄題三花菴

在繁昌之荻港  
惜抱集有詩

木义佳卽我法住雲水光如心藏光一貝葉中言實妙三

花菴畔樹幽香何人巢此肱雲笈長有童顏煮石糧檻外  
江流駛如許一龜早晚但支牀

再和迪生

新詩再枉玉川子便有清風動屋山苦乏名醪供白墮猶  
欣強飯穀黃閒風搖碧尾鸞千箇霧隱半文豹半斑會許  
同尋雲海去敕令家事勿相關

又

九華秀出碧芙蓉此亦名邱俯一寰遶郭香秔經雨熟羅  
生叢橡入秋殷屐痕宿留眞如夢句律崢嶸未可撓惟有  
沖襟得天趣明年卮酒祝商顏

君明年政  
七十矣

迪生方脩興化縣志有贈

斑管拈來興不孤不教人物記模糊情如白醉吟司馬筆

有南唐志董狐

興化本海陵縣地揚吳分  
寘縣屬揚州南唐屬泰州

佳傳不須千斛

米借書時伴一甌沽徧按蘭芷出蓬蘺畸士公鄉何代無  
再有贈

潮來蒲稗深秋至芰荷熟已敷稚金涼稍洗殘火濁何方  
豁蕭曠叢秩畏見束吾宗淮海秀旅廡若逃谷遠巒一窗  
青近局隻雞足七十顏猶童剛腸惡圓曲夜燃松明火細  
字作滿幅早抽華陽簪晚耽油素薦雖無庭松吹猶校本  
艸錄吾愛其性韻澹泊謝繁縟相要黃精圃歲晏期其勵

虛游物之初託迹在緣督

青門有逸人

青門有逸人邈與世緣絕丹臺浮邱經千歲字不滅升降  
隨風雨肌膚若冰雪呼噏餐朝霞訕伸熊鳥節方揚東海  
塵又改西海轍廌鄂羅斯人經營自西徂東鐵道事朝謁西王母暮參木公  
訣廌張南海裕聞西諸公一舉凌紫霄去來宛電掣市南陸沈人雖

然衛生拙飲水自得仙不資服散劣方畦九畹蘭恥營干  
戶橘心斷去來際天光泰宇徹夜飮彫胡香朝汲丹井冽  
何必求神仙捐書自堪悅丁酉之宵不爲槎客故作此廌言以解嘲鈍樵集中大抵廌言  
也十九

雲光

雲光律師坐講經妙香花雨四天下飢寒不可充粟帛國  
計民生何裨也梁日君臣顛倒見論空憊罪身可捨不待  
青絲白馬來已見旅葵生廟社昭陽遂作單于宮松風閣  
老曙戒者陋史紛紛志符瑞諛臣上壽獻深聾以愚黔首  
國山碑緣飾已甚真忱寡祥符天書并自愚郡國上芝連  
理假虛名治世無實政左言所以侵中夏

野寺

丹地引入小歇腳碧山爲我大排牙  
王仲瞿句僧無科儀但磨  
衲秋崦樵採隨麝麝煮茶因汲西湖水浮來一片青蓮花

感秋謠

秋桐翠琬鏤瑩澤秋竹瘦玉搖離披秋花爛漫驚老眼秋  
果的礫佐深卮秋光皎潔紫貝闕秋氣欲換青蘿衣秋桂  
淮南遺一穗秋蕉羅池展兩旗秋雕勁掃野狐窟秋蟀微  
吟豆花籬秋人望朝霞障日京洛知舊繫我思謂子培仲  
弢止潛子  
修秋士手蓄不龜藥桓侯固拒復誰期秋水紋波寄尺素  
秋山刻露紺髮奇秋心平沙一隻箭射過紅海大秦西

送湯蟄仙大令之鄂州

佳人忽枉照清襟重湖墊昏愁太陰又採芳苕郢上去卻  
思負米越中吟吾將鎮以無名朴君試參之不鼓琴自課

餘生盡忠敬放翁家法勗予任

陸龜堂詩八十光陰猶幾許勉思忠敬盡餘生

自去年正月三日起始號芳郭鈍樵

不用夷門市上何須博浪沙中只辦東林虎窟去椎夜半  
霜鐘

秋漲傳舍爲水所圍

溝濁萍青處處通  
濶濶秋浸匝儒宮  
媿無治狀休徵迓更  
憾芸生疵癘攻  
天遣交游謝陶令  
故將泥水蔽曹公  
下官水厄知多少  
試闕樓船招阿童

夜來山月生

世緣每熱和愼獨啟神告匪惟寒砭熱彌見靜勝躁  
無欲故靜

寡欲不勞損之一切淨蕤業吉凶方寸造內景觀我生惺  
又損神理乃超  
惺雞抱抱一片冰池瑩圓靈清景倒夜來山月生萬象纖  
翳掃

欲乞量遙江上一小鄆

眼前風景擣擣盡擬乞廬山守橋官別拓翻新詩本子免  
教枯縛舊禪觀

材堪

升高蟻以粘壁枯多脂雀因挾彈胸火馳子擁高牙坐試  
問材堪卒史無

答滌儕叟



枉示三章對秋月歸然一老卧江城襟懷洒落僅困倒咳  
唾縱橫珠玉生木雁閒知園吏意茆龍歲乞隱君更暮年  
艸隸尤佳妙屈鐵高枝綴落英

又

後生莫笑履道里雖貧猶有竹千竿不須藥餌佐元氣政  
以輪囷傲歲寒愈我頭風文句勁渥公顏赭酒杯寬古稀  
行及再稀矣閱世天教老眼看

又

拙吏慵於冰底魚水災愧匪庚桑居何方可療眾生病不  
職當還奇服初清淨蓋公期問道丁甯地上待貽書便思

載酒元亭去一掃枝言浮綺除

江上懷六潭兼寄滌儕

江上西風颭酒旗蓼紅桺綠未全衰故人屈監筠州稅

六潭

時權釐  
樅陽

舊業仍溫棘下師蕃劍夜光騰紫極海圖朝列數

黃支勝流藥地浮山往今見雲孫老抱遺

詠懷古蹟十首

神山泉

干將子  
淬劍處

聞說一泓水可淬太阿銛莫耶何許住碧瑩鏡開籤

慈姥竹

何年仙姥栽嫋嫋洞筍竹風來自成韻不待伶倫劖

白馬山

山非艷預堆那得大如馬聞有古銀杏大枝堪蔽社

戰烏磯

夜驚眾鳥喧桓公有怯時至今腥浪作月黑閃朱旗

大荆寒壁

寒壁何人鑿曾無玉出烟惟有華鬢佛寂坐山蒼然

厓間  
砌石

佛一二  
百尊

小九華峰

并作一芙蓉誰言九玉女須登一百迴時與樵者語

周瑜冢

英氣已消歇如留颯爽顏吳王灑落契不賜像廬山

王敦壘

空唱龜雖壽其如犬對嗥日光破妖夢霜壘枕寒濤

李藥師祠

公祐膏肓也行軍山下過猶能挾龍姥槁旱洒滂沱

縣志云禱

雨輒應子規重葺祠宇

蕭尺木宅

賸有蕭家巷當時妙陸湛思君無長物四壁畫寒林

謝湛侯惠竹皮扇子上有刻畫山水亭榭及艸隸小

詩

是誰篆刻玉肌膚上有老虔三絕姝  
瀟水東來憑寄與烟痕山影一華予

茅亭應是畸人宅竹裡眞成避世翁  
挾有故人風謾謾助予清暑樂融融

楮先生箴

新葺治

楮生高聳上青霄新透天光鑿綺寮  
從此青陰北窗臥窺樽明月坐相邀

楮生雖以不材全入碓猶堪擣作牋  
恥逐水脂供鏤畫卻藏深院鎖蒼烟

蕭蕭策策楮先生了當心空無俗情  
引得西風一場舞老

龍鱗葉布縱橫

蕉林下懷亡友朱鼎父

籬豆花開精列吟竹畦盡處有蕉林  
彈文眞諫官蘊落林下黃壚此日心

中秋夜江上賓酒泛舟

爛銀盤從海底上河上老人坐古槎  
相邀黃海浮邱侶

會者印根石筇約齋乘雲夜讌東皇家  
圓靈倒影層瀾碧萬里

鏡淨無纖瑕冰輪捧出銀漢浴桂樹  
森列琬宮遮雲濤堆

裡棹謳發水伯擎獻棗如瓜東溟遙  
指紫貝闕笑電一掣

黃金蛇

是夕惟東隅有奇雲怒撐時出飛電而西  
挂吾席南北三方絕無纖雲天水相連一碧萬頃

兮中流汭洄上下兮虹洞无涯目營積水不可極疑到雷  
翥之西蜺羅跂締之北仙之人兮如竹葦稻麻酒醒夢覺  
衣裳冷金骨未變挽河車壘空相和地贖作仰摘星宿淩  
炮媧大令帖炮瓜作炮媧不須嘆酒水精域相與說緯潛潭巴振衣  
便欲朝天去披獻國論癩瘕誰知局束稊米一塵裡南  
止匡廬五老北限於栖霞碧城十二樓兮可望不可卽令  
人胥疏江湖之上長吁嗟

次筠均

湘陰  
彭兆琮 邱根

輕舟搖盪水精域追綺太乙仙人槎瓊臺參差凌彼岸白  
榆寂歷眞吾家天迴浪湧同一碧淨洗色相除纖瑕以一

光明攝萬象圓靈水鏡无藩遮經星漸稀緯星匿那辨河  
鼓兼匏瓜清風吹空眾鱗息物累脫落夔虵蛇冷然乍乘  
秋水駛瞥爾欲到銀河涯主人有酒歡今夕不逐神女餐  
胡麻九華寒淨露紺髮八公勃窣排雲車眞靈位業在俯  
拾時代何必義與媧相期伐翳喚尖質不用嚙酒招鸞巴  
惟祈民物少疵癘畏壘日月响羣痕迴船露下溼衣裊四  
座半醉童顏霞夜游畫燭不須秉鼓缶莫使鄰翁嗟

和

華亭  
沈祥龍約齋

大江秋氣來無涯三五夜月尤清嘉南樓老子興不淺折  
簡賓從浮瓊槎幌亭張讌近水次遠景絕少羣山遮須臾



冰輪湧地出大圓鏡智無纖瑕疏星磊磊三兩點燈火熠  
熠十萬家酒酣乘興沂江上大舸兩槳中流划金商徐來  
衣袂冷篷窗密坐同趺跏東瞻牛渚百里近租船詠史前  
人誇謫僊人疑著宮錦手摘天潢之匏瓜我今亦對古時  
月陳迹同一國於蝸頗思乘風天闕去匭函上事生光華  
又思蓬萊瞰清淺長弓鳴鏑扶桑車山河大地淨除掃俯  
視六合眞蟲沙強懷伐畔幾時就白髮種種徒搔爬坐令  
盈虛閱世變補天何處求靈媧不如綠酒謀一醉淮南叢  
桂將開花設西域綠荔支酒色香激灑可愛橫江白露夜半下回帆路曲  
沿蒹葭蹲蹲仙侶各起舞深更進指明河斜且歌水調續

坡老歸來肝肺猶槎牙

次韻

江夏陳崇禮吟鉢

分江秋漲未全落，歷歷高樹排浮槎。浮天碧與水一色，河伯欲取山爲家。吳頭佳節秋正半，歲尙中稔无疵瑕。金穰酒熟得奇夜，萬里不使纖雲遮。使君高譙樂上樂，炎節已過浮甘瓜。岸鋪玉礫驚宿鷺，山擁紺髻蟠靈蛇。冰輪當空秋色正，酒船擊汰窮西涯。名膠俄頃致綠荔，塵爵何取宜。黃麻江湖之上，思京洛蓬萊織女迴雲車。座中嚴徐東馬，雋汨鴻氣欲排霸。媧未鑄沈碑作杜癭，且鼓大瑟呼瓠巴。清輝萬古鑑毛髮，勿遣一物生瘡痂。杯行到手莫辭醉，輪

瀉藥玉傾流霞急逢鶴背且騎去莫待城郭人民嗟

次韻

無錫顧森書楊青

龍舒夕霽望蟬渚鵲銜書至鳴槎槎新詩爛如火齊吐來  
自柱後惠文家白頭趨作公府步明鏡照不吾疵瑕中言

秋半明月滿三界淨掃纖雲遮于湖風俗不夷鄙摸秋遊

女擎甘瓜

蕪湖女伴秋夜出遊各摘瓜歸爲宜男兆名曰摸秋劉芙初侍郎集中有摸秋詞

傳芭

張樂震山狄醉草落紙縮秋蛇江月娟娟夜嚮午天風浩

浩來無涯元圃仙人攀若木赤城彩伴餐胡麻不持紅海

英蕩節翻赬青邱釣師車觀濤乘興鷹背母補石何術追

靈媧高歌槌碎鐵如意結客傷逝金奔巴

君示近作有華蓋國師涅槃詩

庚桑久嫌尸祝擾畏壘常恐民生瘼我心直與木蘭櫟東  
尋石室神山霞和歌沙礫繼珠玉不恤子墨卿譏嗟

西偏有隙地予手植梅椅桐數十本頗爲蟲螟所侵  
生意彫疏而草花自生爛湯滿院竊雨露之光榮  
以攢布善地傷夫君子蕉萃不見容於世不若小  
人之乘時感嘆有詩

中園執佳樹抱甕勤滋培意望金庭貢山尊佐雲霓質以  
登雕俎本以儲珥材誰測秋蟲虐葉黃枝漸萎熠熠凡卉  
榮紅蘼關重臺秋光爭明媚燦若黃金堆屈平顏色悴子  
蘭朝論陪小人驕且閑氣宇天闊開正士久蹇剝陽春幾

時迴所以栗里翁拂衣歸去來不忘楓棧夢且進東籬杯

山谷道人宴坐處

涪幡言語妙天下到此荒山一句無檻外野花飛一片獨  
來摩詰敏文殊

荅公度

碧油幢引瀟湘去除道白蘋風乍生洛下飛霞垂乞音我

書來惠佩帶數事

嶺南奇服最知名浮槎忽阻心无悟曲突深憂

策未行且訪浯溪薛厓去徧巡郛屋課春耕

懷雲門

秦中驛使近稀聞鞠天

璽書增秩云青牛渚銜斜映日白馬山翳鬱生雲玉泉昆  
明燈出霧卧佛香吟曲含薰還爲侍從直春殿制草一口  
九迴勤君以卓異引見冀內轉從官

米海岳行書于湖新學記石刻

鳥啄落衣片石青蕭疏筆勢在雲肩銜名朗署無爲守使

轉嫌非不草形

鍾元常正書不草而使轉縱橫

三舍崇甯曾課士千名姑

孰近橫經雖然海岳狂標格未稱莊嚴禮殿型

廟堂之上以禮器史

晨書體爲宜最下亦須成永興宋人專仗描塗餞刷木領

鹵莽卞率殊不辨分際行艸只宜用之簡札豈可施之碑

版真未之前聞也

濠觀二絕

門前浩浩浮秋浸天遣滄洲把釣竿無數游魚吹碧荇  
婆吾亦拓濠觀

昨宵猛雨挾長風狡獪須防老赤松  
列仙傳赤松子  
隨風雨上下默禱

青天豁開靈村村觀穫浯疲癯

新磨厓

久向菰蘆中作吏欣逢新出土磨厓疏星華月行行朗  
石驚雷箇箇佳見說藏珠生岍潤何殊耕壁出烟霾雖無  
句律言語妙噫古頻煩老眼揩

元真子

階前秋水淨如綺游鱗萍合粘高槎綠琉璃翦蕉子葉叢

桂晚作黃金花元真子冠蓬累去

史記老子傳蓬累去索隱以爲笠也

手把

芙蓉輪帝車太虛爲室燭明月道逢顏公醉流霞公語南海尉何苦侶磨巖蒼云野性不可留乘興往覓元樽窟沂江上下楚天碧此去真欲浮吾家

蓋公堂之東有扉扃鐫年久闕之豁然開朗忽得一  
小援子廣栽六十四笏中有高柳二桑一安石榴  
一帶艸叢生柳大且十圍扶疏直上亭亭如蓋疑  
年殆逾一甲子矣於是斧櫟翳畦芳艸開洞窗治  
小軒風鑪石銚偃仰其中可以避世南村逸老賀  
我三日中得異境遂詩以落之



一日鐵圍門忽啟小援高柳豁斜矚洞天久閤誰探勝清  
景俄開好冊勳坐得素修名節樹卧看自在卷舒雲天教  
安性潭思了細艸茸茸書帶薰

鄭司農戒子書云將閒居以安性覃思以終業

東軒詩 有敘

新闢東軒洞窗虛明潤無纖塵於待月宜伐翳植援  
仰見太空於看雲宜習靜宜琴逃暑宜棋宜引垣薜  
以取清陰宜植經幢以修禪定宜穿池引泉以養魚  
宜編籬作門以蒔菊所不宜者觸熱襖襪子剝啄至  
門耳噫茲隙地棄爲鼯狽蓬蒿之徑久矣一旦芟薶  
榛莠畚除沙礫瑟然泠然異境遂爲吾有子厚不云

書之石所以賀茲邱之遭乎

疏櫺枕小園蟲網蘚衣垣一日伐蒙翳泠泠秋樹根招來  
潭月淨分與嶺雲昏來歲澆畦潤離披紅藥翻

九日遠景樓宴集

傑閣登臨酒一巡遠峰環峙若朝真海門白馬濤何氣柱  
下青牛乞此身歲儉深憂民物癘時屯誰抱握奇神黃花  
也笑翁今禿久與南州風俗親

破除

破除見見聞聞障擺落蕭蕭黯黯禪雲生暑空淦淦爾風  
獵水面蓬蓬然

雲門書來戲荅

三食涓桃樊子願  
五餐南菊鈍椎嫌  
難馴飲啄樊中雉  
俱絆微名竹上鮎  
宛轉放塵天械縛  
只餘野性不容砭

適獨坐

室雖方一丈坐可蔭千人  
一穗黃雲起六時知見熏

灌畦

灌畦吾欲東園老手種  
琅玕落點斑植援編籬  
綠蒔菊支窗鑿壁爲看山  
居然不詘伸而壽

王褒云何必偃仰詘伸若彭祖長使無

江海亦閑莫惹漢陰丈人笑  
桔槔久挂屋敖閒

送印根

行將別矣大雷岸何以贈之明月珠濟世會須藏劍利揚  
塵親見海桑無青冥風送搏扶上紫蓋雲開突兀殊豈任  
蒸湘隱蘭芷石渠方議致眞儒

杜句六月  
曠搏扶

無奇

菰蘆中住無奇士泥水蔽人經幾年三十六頭紅錦臆何  
時射獵南山邊

贈程文學

四海雲氣鬱蕭蕭市舶紛紛民物彫鐵弩三千射胥母珠  
鈴七十老居巢箋半夜藝松明火玩易園收竹實饒政要  
龍眉徵綺季

中翰梯几待清標

和

無爲州  
程佐衡

久逐溪翁日緯蕭駐顏無藥鬢先彫  
煩魚釜裡常憂碎鈍  
鳥蘆邊尙覓巢槎客幾看桑海變  
園官且拾栗皺饒誰尋  
蒼海君求士試倚長松千尺標

重遊別

赭圻山下雨昏昏不辨攢楓何處村  
青鷁大舫出吳陰黃  
鵠怒磯迎郢門南州文學行作記  
北客風濤那可論登樓  
迴望君行處高浪拍天翻白鼉

和熊州牧九日約北山登高期未赴徑還舒州詩

九日龍山續勝游坐無鬻子遲靈修芒屨卻蹋舒州塔綠  
酒誰同蕭寺芻米汁罷參禪白足帽簷不落買長頭知君  
擊汰中流興爛占江南風物秋

得松岑白下書荅之

荻黃楓赭粘天遠苦雨乍晴秋已晚石頭驚濤拍岸流故  
人書道加餐飮攝山游屨與未踐次宗講堂深坐穩北渚  
呼牛供奉祠南朝射雉華林苑王室艱屯漆室憂西乘弱  
水東薪流東南民氣空杼柚日月災祥考異郵誰開幕府  
山頭讌芳艸萋萋望蔡洲急用阿龍超建議新亭會遺淚  
痕收

規立經幢

本自赤條條地元來不挂一絲爲問幢於何立夜半有力  
負之有時黑窣窣地旁通平告平攤眾生散塵擾擾若以  
世法對治徒刮毛龜背效如捕風琴絲奚若橫出世外  
不立一法嚴師常攝諸法方便權實對勘總持無幢而幢  
具足折慢伐石何施迹順隨緣日用六時喫飯着衣堅苦  
澹泊立腳搬柴踏碓不辭斷去來今三際現行坐卧四儀  
偶爾度生說法止觀平等除疑門外風花一片瀟瀟細雨  
簾歟

光緒廿有三年龍集丁酉冬十月朔於東園中建大法

幢所舉經言乃修己治人之要道依此法修一切天人  
世出世間盡霑饒益正無埃參庭前柏子作優舉又頌  
也袁祖記鄭孝胥書丹

天行健君子以自強不息

克己復禮集義養氣  
一息尚存持志不懈

地中有山謙君子以裒多益寡稱物平施

接物則一  
有四益不敢

爲天  
下先

天在山中大畜君子以多識前言往行以畜其德

畜養  
也誦

先王之法言仿古人之  
製行所以養吾德性

山下有雷頤君子以慎言語節飲食

禍從口出病從口  
入慎之又慎第一

義要



雷在天上大壯君子以非禮勿履

禮之根源在忠恕可終身行之

山下有澤損君子以懲忿窒欲

害性以忿欲二者爲大亟宜克治

風雷益君子以見善則遷有過則改

易道損之而益消陰息陽損人欲而

存天理也或益之而損志在人爵則漸滅天理矣故損益二誼足以盡易消息之常理也

兼山艮君子以思不出其位

謹守界畫大閑不踰

麗澤兌君子以朋友講習

凡處逸大儒在位通人咸從捧手受學以攻吾短而輔吾

仁右九卦之誼剛柔相克動靜交養理欲對勘敬義夾

持人生日用之所必需或出或處或默或語之時節因

緣機宜咸備道不可須臾離也事理不二融通無礙神

藏形見一以貫之

寄黃丈

翛然數席龍山下竹掩荒蹊槿插樊遲我翠舟肱石筍散  
公無所發狂言國工袖手傷時變風氣萌芽孰道援白日  
寢馳秋水駛滔滔何以濟難屯

沈母韓碩人挽詩

久識茅容拜令儀崎嶇八十德門持身丁家國中衰日教  
出淵驚甯馨兒思古勞臣斂時服砭今滂母斥韋脂諍臣  
賢母由來少不獨生芻觸涕洟

又

京師如海獨無醫此語深悲黃與倪我久傷神風撼木君

今摧哽雪綠髭四朝眼見良非偶一傳賢明史待諮久薄

遺廬今謝宿鮎埼營窳翦茅茨

子培以一官爲選廬每語友云可一宿不可久處全

謝山先生篤行至孝廬墓先後五年不應徵聘故以此期之

### 聞節庵到舒州

畸人聞宿舒州寺湯安猶稽春穀居橘性過淮仍不化劍  
心敷座翼相於南游莫便棲勾漏東野能容倚岨虛緣底  
青溪羅帶水遶鍾山帀未忘渠

### 左文襄祠堂

飲馬天山自勒珉洗兵蒲海動如神丈人慧許超三盼分  
數明能將萬人晚節夢中猶縛纒

公年七十四督師駐延平左右時聞公夢中縶

言連呼速殺孤拔孤拔拂籐水軍提督也小年圩頂健摩磨北池捧手兼風義  
今日湖塢薦藻蘋

九月廿九日陪節庵太史登北山

又撥藤蘿到上頭酒清世濁那消憂客眞三百年無此天  
展重陽節再游北塔青蓮花涌出西風黃茱萸葉撩愁沈冥  
爲訪弢廬變更上崢嶸第一樓

和

南海  
梁鼎芬 節庵

秋老林風葉打頭使君謀野散千憂早知邱壑同微尙正  
好年華補昔游天際舟隨歸鳥倦洞林雲去蟄龍愁山僧  
不解涪皤意自去椎鐘暮倚樓

語次棖觸世事再次韻

又

閑來宴坐其科頭百本萱難解我憂雙井論詩容合派鈞  
天張樂偶同游眼中人漸垂垂老江上山成寸寸愁困學  
微言最深叻何方重築浚儀樓

詠史

興國都緣策力優求才妙用斧斤收隰朋愧不如黃帝齊桓  
公謀卜相管仲曰無已則隰朋可其人自媿不若黃帝而  
慙不已若者石齋黃公有小長方朱文印曰媿不如黃帝  
陸賈懽能致絳侯一履之閒皆得任八紘爲網善勤按弓  
調馬備因時御端在知言徹眾流

送荅華館主往海上將仍回鄂渚

句無擇律予眞懶筆未忘規子獨勤帆拂直洲腥霧散艸  
芳江上夕陽熏舊巢不訪華陽逸君此行不及還焦山力士猶求蒼  
海君天地圓方吾不識還撲黃鵠問渠云

題故權運河道陽湖湯君小照

匣有無聲妙陰俄夜壑移濁泥槌石竹清蔭到孫枝霜落  
黃河滌微吟白雪詞像留廉吏逸持以勗來茲

十月十日

聖母皇太后慶辰祝 釐恭述

沙麓祥開茁瑞萸竒雅奏邁奇矜萬年觴奉

排雲殿九擗懼臚夢日亭

成佛玉鐫三寶冊振饑金散四重溟由來家法希崇儉不  
獨外風寫御屏

用墨

上賢莫使齊蒿蕙貴儉端應銘布衾一日烹阿封卽墨十  
年貴土賤黃金雲梯九距嫺兵略泥水重胝鍊道心若命  
滑釐爲上將管教歸我鄆謹侵蕭齊僻主且云俾我治天  
下十年當使黃金與土同  
價非儉德節用不足以挾時病也今英法俄德狙伺我內  
困洋債驟貴鎔價以賤我敝我貨幣操輕重之枋洵非淺  
患不知中國地方數萬里所貴者有土有人苟能用賢理  
財十年教訓猶可以爲善國區區估胡射利困我奚足患  
哉我固有不受困  
足辦自強之術在

所藏漳浦黃公斷碑研旣爲詩以志其事矣再頌研

惠遠想慨然

片石痕猶攢虎螭分行翦鐵入沙治英雲一縷湯

平聲藏碧

妙墨千年此裂碑蕭瑟汾岢坡老節芊綿湧礪石公詩藏  
之大滌山深窈笑電噫風長護持

料理嘉筵

慈蔭遺箴手寫砭唱隨舉案禮須嚴陳長文使充持東吳  
隱之無粹辦箴勸學蓬麻扶汝直淨名花葉偶予拈吾親  
不泊矜輦戒善事尊章治米鹽

梅女將出嫁嘉禮之筵屬陳參軍料揀

寄題泐上融齋書院

菰米青邱熟木樨丹地聞橄予心正卻覺世志長勤野興



雲壇逸風情華頂雲陽春臺更築神理尙炯熅

友人梁苕華焦山易實甫廬山皆願據爲十方常住

記荊騰嘲

久以焦匡姓是山今爲逋客劓茅菅欲專一壑瓜牛老從  
狎二林雕虎斑山姓應隨常住改墩名久假不須還帝前  
訟牒如難判一半青教割翠鬟

翁虞山相公遂參大政感事抒懷敬草拙句十二章  
寄塵帛覽不自知其言之慙也雖非芝房之芻言  
亦附野人之芹獻云爾

王國焦鵬見占惟金歲穰時躋指柱力用細度支詳日了

三千牘貧無八百桑甘盤后

典學爰立重溫良

三世

經筵貴九容齋日居練衣癯弊俗蒿菜卻邪莛山澤儀仍  
逸葵鹽飽有餘畏人知儉德適野每巾車

拂水曾無墅房山偶訪經卻嫌金帶重命寫布鞵青卷展  
濛元鎮卧游瀟洞庭

帝師赤松子密勿贊風霆

偶出珮鐫興機鋒不縛禪剗除頑雪寶擺落鈍雲門勁句  
參懷麓新詩推道園下鍤漢廷史揭范蠡拘禪

秩居三獨坐心在一丹邱奏記容長倩  
庾言領子休吹响庸枚吏吐納眾枝流  
素抱陶羣品精心考異郵

孱削碧蹄館竄洲氛霧開蟲沙軍遽化  
犀甲艦俄灰悉索乘韋犒旋歸謹鄆萊  
過江三論跂龕涕茂宏才

治事資神理康屯出道情人材收履屐

廟算決碁枰眾難敗言解羣疑闕市平  
指撝暘雨若弢版定從橫

公望安溪老義文贊洞璣禡牙準部薤  
佐揲

景陵著密疏全清恪虛衷問抗希中天  
懸治象貞觀有元

龜

時巡浴蘭館

觀織濯龍中孝治

暢春葺尊親面夏同蜀災塵

聖慮南楠愍其空易格高天聽敷言謝傅融

藥洲重訪古講幄繼華光北狩諫灤水

庚申秋文端公屢上封事

東戔

今樂浪門徒鉞躁妄新進斥披昌已寤王恢謗橫磨說劍  
鉞

人爭言富國效似繫風何儀衛皆自利孔桑何太多葛侯

工殖穀蕭相政除苛盡詘諸方士車千秋贊

車公以富民侯爲孝

武相民富而國爲有不富者乎孝武晚  
悔責躬之詔洞知本務車公實膺贊之

侮食營場樵左言消譯胥褻蹠平準困鹿幣上林虛舉燭  
民陳隱封椿國議儲願聞第一義龍象法筵初

漱丈自武昌還敬敷中弢弟典試事竣乞假侍行有

寄

叢雁南征丈北來講堂新闢璚公臺罷持黃鵠仙官節還  
侍白雲親舍杯想見鯉庭桃李拜待迎楚谷蘊蓬開將枉顧  
塘留連旬日遂遣弁相逐蟹黃橘綠深卮倒宛似城西社裏陪

以遠鏡望三山之巔有小團瓢疑眞隱者之所游槃  
也待訪其處先志以詩

不如出世朝眞去雲構厓懸路幾層石鼎道人風便旋瓜

牛老子雪簷騰鏡中翠靄愁千疊肘後烏麻曬九蒸苦望  
喬全不見我東封投謁或當應

江上

江上華子千疊屏洞扉訪古一瞿礪丹沙水浴容成少薛  
荔衣縫木客馨雲尙笥河鞵底海山仍太白眼中青閭仙  
大滌不歸去算卜九皇薈古靈殘廬子說黃山之勝無雲不海無松不蓋笥河朱公  
屢往游其巔  
題名最夥

示兒

吾無隱乎爾祇有這些子終日閑言語松濤聒里耳敬誼  
與齋捨因時各行是三根救命豪猛省求諸已敬勝怠誼勝欲敬以

窮理誼以快事二者夾持理事回環融徹不二五官之靈  
明善齋而不輕用故治人事天莫若齋齋故能早服積德  
而無不克萬物皆身外浮雲斷一切去來今際三能者得  
世俱捨乃證修持不損諸緣無以爲入道根本  
傳之勿覲面千里苟能勤摸索不窮一尺捶功夫日用閒  
穀帛食飲似絕百孔求源在銖積寸累天機心孔到涉趣  
知其理真源不遠尋醴泉勺園裡此外付苓通浮榮眞芥  
履行止信諸天冷風搏空起

讀南岳賣薑翁集

贈荊青原方丈衒札丹霞禿翁掃淨竟陵魔障風光駘宕  
之中

寄茗華

一片昆侖寒玉瑩幾經魔劫石沙攻雲生焦洞兼招我羣  
擊公山久付公橫舍箭材繁筈直芳洲霜葉照顏紅猶餘  
五筴辛文子早辦輕舟觀海童

投隱

西海姥新放尙方東明王遽作狂王

今春御敍尙方珍  
異專使聘賀英國近

聞朝鮮國王遽竊  
尊號殆將亡矣

已荒王斧河無界會撫銅駝走且偃綠

字天陷投宛委朱陵地肺隱良常何方菌閣烹石髓攜手  
人閒荷芰裳

張高

東滄求士張良俠北窆稱詩高允融生恐負他翟黑子諫

手湖小集

詩六

夫



能助我夏黃公善藏乎用文无害内斂文明用不窮鏐李  
佛狸兩枝主功成身退信爲工

瀨上雙臺八松歌

崇禎十一年戊寅七月漳浦黃先生以少詹謫官冬初至大滌長至

後十日與門生何義兆曹木上泛舟嚴灘將還石養遂登釣臺手寫八松支離蟠結之狀畫爲六圖各系以贊語今此圖不知流傳何許也久不歸山思此八公如病瘡首爰志以詩

釣壇蒼官八髯變鱗作之而穿戶牖東西日月挂兩丸風  
掃九州赤縣垢源迤晞髮謝參軍大招楚些嘆乎酒化爲  
朱鳥不歸來千山怒濤射胥母漳浦黃公出大滌延緣瀨  
鄉橫舟久解衣滂礪圖其狀尺幅萬里烟霧守一松各繫  
一贊詞周黨嚴光相人偶又如淮南八髯翁議堂諫院相

匡糾懸厓飛瀑下撞灑絕磴金繩上鐫紐白畫往往山精  
號雲壁潭潭彫虎吼松乎曾識兩忠蹇焉肯樵蘇落人手  
絹本盡落何人得天敕六丁負之走嗚呼黃公不返大滌  
游閩仙

閩仙洞距縣東二十六里忠端公履跡所到

謝生溪南空墓田予亦江

海漂搖不歸山浪餐雞鷲腥臊二十年縱然陵陽寶明珪  
高隸我堂廡下來若巖子招我歸來篇爲問松乎松乎今  
幾在上枝拂雲接黃海下枝倒浸紫溪漚柯葉不隨陵谷  
改誰能令東博之桑西若之木侵陵閨竊掩光采吾將鏟  
刮頑石厓籲天九叩問眞宰行歸撫汝八髯公石骨霜膚  
青礧礧

桃椎子

霜淨沙寒數碧魚窮山影落澄潭虛庭生海月白疑曙楓  
射江霞丹不如鵲孟羈人北部尉馬卿嗤彼東封書惟桃  
椎子差堪語數粟開皴一起予

蟄仙太史來主翠螺書院

玉筍仙人降蘆菰寶氣夜分明湛盧俳優不數東司馬史  
筆舊推南董狐曾無夢到蝶周也倘有意存牛鼎乎赤青  
二氣景星合灣嶽東西穰也無明年黃丈仍主敬敷相望  
數百里之間歐越德人萃  
於此矣

趣滌濟校刻藥地炮莊

極丸老人晚棲禪茅筆戲作南華箋仗有雲孫巖電眼根  
器絲歷三百年浮山光氣不可掩鏤版度之青原巔

政在

政在徠遐邇邇宜蘭閣彈指挾藩夸羶行能致邑都湊鵠  
羽已成矰繳披叔子懷仁柔陸氣茂宏養晦任陶喙由來  
柔忍能藏用苦縣示人慈衛之

羶諸仁藏諸用以忍辱負重濟之則用力少而成功多

小戰

奚止三旬晏起差

管弁安語

上章首過莫安排蟻毋措足湯揚

沸

謂用法嚴

鶴有高尻筆近俳半世宿名炊枕黍一重公案隔

牆釵櫛門澹泊難收縛只肯低頭拜寤崖

于湖小集詩六

三

自訟

已入孔融過二年道根器業兩茫然敬忠尺捶用不盡利  
欲漆盆猶未捐既障敗雲點淨月未除濁水攪清淵代農  
一味充朝隱只第三流名字傳

次韻荅子衡

雅喜梅

子嚴子真陵

相頡頏新詩衰白有輝光難龜已溺援民

塾且注桑經抗鄺長歸饌江魚供白白誰窮海棗問蒼蒼

百年各抱分陰志深坐潛齋老講堂

應先生揭謙證人社中巨儒最可宗法惜

著書多散佚傳者甚少

攷廬子以稽古之力新荷

天恩賜五品服贈言

志賀

經生朱紱占來徐會見重徵束帛車角折方教馴五鹿牙  
緋乍許佩雙魚杜公校檢甯嫌晚柳子嬋媽足妊渠杜甫年五  
十三始借緋柳子厚自述  
先世五葉官皆止於六品莫笑天台老智者須知箸述滿  
精廬

和

歙縣汪宗沂仲伊

垂老多慚下榻徐閒蹤原未溷徵車曾遊潞潏頻驚雁擬  
傍桐江學釣魚貞疾長延耽上藥觀書索解悟情渠久諳  
野服更章服應关弢廬不草廬

汪菊田爲我作富春溪山卧游圖因識其上

僕抱軒轅道士

之癖謬不喜作世俗書  
因口占屬門人寫之

近而察之上有驂驪歎薄之連峰攀蝮鳥之平輦下有抱  
遺守藏之猶龍採菖蒲之紫茸遠而望之中有砒厓抉石  
之奔瀧擎舟葦閒延緣而相從寢療謝人事滅迹入雲峰  
試拈大謝句吾將糧山中之鍾乳製溪上之芙蓉望天門  
披心胸持青琅玕謁帝九重周流乎天子乃下道逢浮邱  
子酌我以明霞藥玉流黎鍾浮邱桐君下視嚴陵乃大父  
行撫斥二豪螺贏勿以五漿供耕山出玉甕瀝水擷芳芷  
容成玉女來獻神丹一玉匕佩入山符罔雨不若無由逢  
徜徉笙吹松下奏九龔之飭花閒春偶然渴睽千年炊黍

暫游小別萬里支筇客何爲者疑是虞隣之友石戶之農  
眎天下猶遺屨斥國工如雞雍那數眞人白水以爵籠國  
士狂奴咄咄往來憧憧刮掃一切噉名客乃見太古之平  
風如此足辦長不死藥矣何必艸衣木食啁吹呼噉如喬  
松

戲廣陶潭十二景

有敘

漱丈將來游陶潭問境內名勝有幾爰拈韻語張之  
以復於納言公以迂楚然之足音將毋九題八觀之  
目歟抑亦汪倫所云桃花十里酒店萬家之類耳丈  
聞之定發一大噓也



一覽亭

迂公一枝藤超然來一覽練影亘吳門放目吾豈敢

千佛厓

何代鑄佛龕則公應身是長年不言語靜攬衣雲詭

待雲徑

聞雲門將南來於避世亭西闢一斲徑以待之

洒落雲門棒云將來挂單徑三怡彼一酒熟遲樊山

夢日頤

貉子闕荒冢危亭上朝瞰江湖別有夢藏史戀金門

滴翠軒

猶是森如滴  
滂翁眼中竹  
孫竹又生孫  
復怡吾輩目

飛丹閣

韞上鍊丹臺  
晚汲洗丹井  
閣中有逸老  
繕性出入境

干將試劍泉

泉無一日竭  
劍有千年鏞  
喚良工淬治  
光騰尙方宿

酒姥玩鞭舍

一縱巴驢去  
猶留七寶鞭  
論功姥合賞  
未使姓名傳

蠟磯竹峴

冉冉綠厓竹  
泠泠絕岸磯  
嬋媛擁絳節  
宵趁怒濤歸

牛渚茅龕

絕頂一茅龕番僧乍出定危磯震清梵下有魚龍聽

大荆山湖秋泛

圭齋乘鯉去吾輩復鸞驂湖拭青銅鏡巖排白玉簪

小蓬萊榭雪眺

試上蓬萊望江南江北雪中多雁戶飢授以丹臺訣

續作二絕

遠景樓觀鐵如意舞

一試柘枝顛喚人如意舞衣雲樓下散仙袂風前舉

倪文貞公

築樓曰衣雲  
取梵冊語

放生池誦金光明經

於無所住生平原持律精不索明珠報但戒食鱗鱗

題觀物觀我之室

觀物在達性觀我在克已欲知觀之用先務知良止欲禁  
令加民治務一身始自勝者積強忠敬爲之宰譬如鏡攝  
形寂中含照理圓靈湛虛融萬形無遁詭居晦而治明羣  
動受靜使又如渴求泉遠隔蒼石髓家有石覆泉顧未知  
之耳挾石汲芳寒其甘如木醴止乃畜定力不踰界畫是  
惟見已之非物論有公是內炤已眞妄不管物成毀偶然  
發照用旋返聽收視沙石磨治瑩器惡始成美內憂與外  
患冰蘖相齟齬古語曰凡成美者惡器也此可以鑑詩如切如磋如琢如磨作山之石可以攻玉之

誼君子終日言不出卦畫終日行不去輻重藏修息游未  
嘗斯須離四德之元五常之仁造次必於是顛沛必於是  
時乎窮時乎通常素位而行之入則求法家拂士出則以  
敵國外患爲奮勉求治之資守道故也坡公詩慎勿怨謗  
讒乃我得道資淤泥生蓮花瘠壤闍室守嚴師超然祛眾  
出菌芝賴此善知識使我枯生薨累二觀同一淨迹象皆穢物我本一源何分馬與指

### 窮冬

蕭索窮冬建子月北來海印寺氛樞

膠州灣變起地近勞山海印寺

世方

未定元黃戰吾那容兼吏隱名歲望小康千室飽身思大  
滌一瓢行敕無家事而公恩獨往栖眞洞口耕

### 漠漠

漠漠雁南去疎疎洲荻黃林丹閒峽翠日氣射湖光題竹

白迂安剡舟元湯郎獨看雲起滅姑與世沈洋

督部陶公餉甘州枸杞

道遠驚深谷吾衰服食須世羸宜急療元氣倚深扶甘美  
眾仙杖絳圓千琲珠傳將張掖種澗入陸生廚惠許邨程  
致公眞草木驅窮邊儲上藥洞陸被遐响玉帳童顏健金  
微芸物蘇雨封起疲蒸滲液到江湖不數青城空細鈔黃  
石書天隨漸輕健銜戢景區區

陪致仕納言黃丈暨仲弢叔頌兩星使登小九華讌

坐是晨風日清明有表裡江山憑眺之勝薄暮乃  
歸作詩卽題丈六十六歲行看子

去年尙書持節過姑孰山雨滂沛阻移轡涪翁病蹇健竹  
戶敬謝枉駕煙嵐昏似云畸人猿鳥性無補將略雲雷屯

壺公方任天下重何事來看黃綺園今年納言試筮屬德

星隨侍雙星軒旣攬闔丹沙與楚竹箭來游撰杖妍冬暄

涪翁色喜風日霽羣峰獻狀如兒孫壁有勤敏襴衫亦宗

望滴翠軒壁間有黃左  
田尙書石刻小像

何況黃山黃海亦以公家疏族論

掃衡山雲海市霧韃蘇猶詫精爽開天門涪何後恭而前

倨一笑故事山中存

丙申正月十九日南皮督部帥道出  
陶塘攜賓從欲游赭山大雨滂沱遂

不果

入山亦視勝緣機契否人生遇合要作如是觀是日

馮欄發深慨落日野鵲浮圖蹲深杯屢注銀鬚落題字待

伐蒼厓根江南江北望不極無數翠栝丹楓村書生空抱  
馬革志諸帥誰靖犀毗蕃丈人顏如紫芝好國之三老梯  
几將乞言仲叔廉謹善事國一封軺傳方銜  
恩江山氛昏待洗滌龍蛇濂雜寢濁煩方當

詔徵黃綺用一掃腐嚇鴟雛喧丹邱黃海之神撫掌作左  
證微公無所發我之狂言

辛真子泊宅有敘

雅愛老杜句云南市津頭有船賣無錢卽買繫籬旁  
君之發興扁舟又苦澀囊中止寒窘之度可掬予亦  
蓄此謀久矣今始得賃一艇月費廿千繫之新步自



此混輓仕非仕隱非隱肯疏江湖之上虛舟逸棹縱  
其洞復可游於廣漠无窮之野乎殆僅足過姪杜公

云爾

書勝張  
之舟中

元真不作海南尉認取浮家是汝家去戴溪邊青箬笠絕  
勝陌上碧油車曾無寸效士橫艸持傲丈人翁浣花從此  
匡廬與灊嶽往來天遣尹魚蝦

### 送沈大歸雲閒

憑君傳語西林塢三十年前舊行者行規投老結比鄰何  
待營園秀兼野

對雪懷芳郭諸兄弟

朔雪垂垂至江雲淦淦披遙憐灩上樹正暝臘前卮曲突  
曾無策連床未有期蕭疏藏室吏舌在齒今危

偶題葉奇艸木子

至正初年一事無忽驚烽鎬擾方隅棘中銅狄笑摩汝橋  
上杜鵑悽警吾疾諱將深醫固拒碁無先著局全輪畸人  
樾戶觀羣動艸木春秋恨有餘

大懺

荒忽騷人持問天踦羸版築罕良緣天驕侮食兵盜弄民  
困征輸室倒懸精氣變痰先自治木冰生蠹節無堅且攜  
新鑄長鏡去刷破陵陽捉地仙

探池北早梅

池南東折小琅玕十日嚴風特地寒  
採取空枝衣黛蘚分無錦繖護瑯闕  
藐姑何許外肌膚胥母生來鐵肺肝  
九里洲前鄉夢遶茗茗誰贈一枝看

憩野寺

欹斜入荒蹊蒙密翳修竹中有阿蘭若  
洞然開遠目崩崖半入濤陽木經冬綠  
僧荒律四分雲敝衣千族夜眠枕滄浪  
朝飮畦杞菊敷義齋緇白行歌雜藥收  
濺濺冰礪流跼跼汀帆逐偶此玩幽栖  
世機觀倚伏是日以勘隄工過此遂與道俗析講六度  
義爾等既混迹緇流須守經律否則爲四民之害王法所不容一眾悚然

書漳浦先生文不傳人論後

文人孔翠毛又如艸木花落卽離本性性命何有耶德人  
含內景淑氣蒸雲霞但內治已性不費詞百車篤道菽書  
之神奇生弊窟遇何通何塞道何損何加製行秋蒂實摘  
詞春林華性行如金玉詞條付泥沙鏤畫冰脂者璚璫涉  
浮夸其中存者幾暖姝守私家一翰壑舟去邱貉噉枯槎  
日月景常新德人思无邪治心宅忠敬養氣齊隆窞道濟  
康世屯詘則隱巖蝸審幾柔藏夫乘時堅攻瑕祇本分上  
事善俗癰癥瘕道乃法自然如禹治水耶了無功德相澹  
漠游羲媧浩然排風霆度人如稻麻熱然謀七袵陽德葆

萌牙譬鑿地得泉汲者不可涯寄語蘭茗上孔翠銜金花  
莫使傷彫落朱顏霜雪嗟

前明副貢蕭尺木先生雲從墓近始訪得在嚴家山

屬饒守戎陳參軍江學博修治既竣勒石禁止藥

採設脯酒祭之并度墓旁地栽松四株

粉本匡廬將雁宕好山祇向畫中看孤生淚洒朝天柏後

死心同沒土蘭

鄭所南畫蘭從不帶土以立足無一片軋淨土也蕭君自以國變餘生常倚靈谷寺

步謁孝陵又畫四名山太白祠汲勞公祠四壁意謂殘山賸水祇於粉本中遇之耳乃厲言也不許樵人

薪宰樹乍逢野祭列春盤一般風味凌居士共酌陶塘菊

琰寒

塵老人同來

別李大令

化州人一宿去

乍見機相契，昆刀發新硎。明明一片月，礫礫幾行星。地肺茅龕守天台，菌閣經袖銜烟霧。結搆十四州形，貽我兩浙地理考略

懷芳潮宅

停雲思故園，遠樹縈新陌。竹刻臺已傾，桐摧井无迹。日出山光明，倘映吾衰白。行葺茅十間，更穿池幾尺。舊來雞犬

非安用新豐宅

近託三兄卜新居去舊宅一雞飛地

營居期樸陋，蕪徑漸芟

闢。但取洞窗明，坐延嵐翠適。或招同社人，權言真率席。陸生善湛冥，向子知損益。從求好時田，偶注名山易。歲晏將疏麻，風煙悵猶隔。

于湖小集詩六

自少孤露纏巨痛於風枝雖終身言不文可也時運艱屯  
抱深憂於冰谷乃以浮文妨要抑何謬歟去年力懣綺語  
今茲仍出卮言記責手心一百六十四板太上老君急敕  
如律令鈍椎記



金陵襍事詩一卷附

姑溪

月夜訪顧石交烏龍潭坐談久之出陳大畫帙諦觀之略似現前風景因題

仁未熟

戲代懷廬荅蕢齋學士

北極閣

鍾山

秣陵襍感

寤園有樹譚云明石斛某行人使墨利加從海外載

歸以獻左湘陰使相使相轉遺桑根丈遂植之池  
上文襄作記書此一段因緣今且分柯亭亭如張  
兩繖而兩公以光緒乙酉嘗先後辭世艸宿十三  
年矣摩挲此樹不覺泣然

恪靖相侯祠堂

臘月二十六日獨游燕子磯

兩天門

卻寄蕢齋六丈

周國祥將行

付寫官訖

姑溪

桓家歌逐綵雲滅庾令臺無繁吹音那有燈花妍入妙只  
餘江月喜相尋銀蟾冢識千年氣玉竦輝銜萬里心傳語  
姑溪水犀手同仇期報主恩深

月夜訪顧石叟烏龍潭坐談久之出陳大畫帙諦觀  
之略似現前風景因題

霧樹月泠泠停淙烟脉脉向來風景熟高論俄今夕居士  
顏尙童使君髭半白厭聞海市爭投老神仙伯陶陶林下  
娛宛宛畫中迹豈意秋豪顛印茲烟素癖陳君吾故人卅  
年顏面隔居然天機精能自造氣格金城柳再扳綺榭落

新闢堂上書半床闌前花幾尺何必柯丹邱何必姜白石  
雖乏小紅簫燒卻老黃蘗山邀入酒杯水任圍歌席不學  
心齋忘且耽腰帶適

仁未熟

微雲晦明月靈臺未澈澈天花橄著肩有漏滯小乘性行  
時未至最上隔一層霏雪點洪鑪僕蓋病未能伯純還見  
獵支公尙癖鷹鶴子過新羅一念熱和懲仁義未爛熟血  
氣猶侵凌不如嚼冰蔬外形骸自勝熱然而看壁枯木倚  
巖藤淨洗妄綺語坐兀兀騰騰

戲代懷廬荅賁齋學士

德水明如玉朱航凍不春生甯終伍噲公乃肯臨臣訶尉  
南山獵書王西狩麟有時把栗尾艸隸妙如神

北極閣

閣勢飛鳴俯混茫後湖葑捲蟄龍藏眼空六季多殘局病  
入三焦少藥方蕉底鹿垂分楚漢槐中蠋尙夢侯王挂頤  
獨看棲霞髻餘雪凌兢拂石床

鍾山

丹臺都被暮雲遮枯木叢篁但噪雅緣底艸堂今寂漠無  
蛩無鶴只蟲沙

秣陵襟感

几十九首  
非一時作

清歌如水過行雲暮雨瀟瀟曲更聞官柳桁頭扳折盡重  
來愁絕杜司勳

三十年前老龍吉

謂松岑

豪華剗淨鬢絲彫於今木榻穿相

對東郭无言令意銷

舊交髡蓋與髯蒼

華蓋國師李雨蒼將軍

牢落雁門踦可傷晚過蕢

齋中執法

張六學士  
厲戚家灣

細看鏽澀劍褱囊

飛霞閣裡人去盡晚餘顧處士幽栖溪橋宛轉通一徑籬

畔判與醉如泥

不堪迸淚新亭客風景依稀似隔生擊碎唾壺天又醉銅  
甌鐵板不能平

從江乘渡泝秦皇綵雲明滅讌良常畢竟雄才誰得似鞭  
笞六合囂爲梁

腥浪琅玕臺欲傾北來消息未分明似聳新敕館伴使待  
戈船泊議行成

空填樂府龜雖壽未見冥池龍受屠豈竟笑人長寂寂澶  
淵飲博讓懽呼

方期禱雪雪徒空舊社酒徒春夢中挂席欲西衝雪去蒼  
然清嘯落江東

靺音中變語言竊何處中流覓一壺

當事將以一壺兵左輪陀送予船西上

谷蠡將浮海至金留犁又設壇須

柏篠蕃王以明正二十一日可到香港敕所在

官接  
待

欲上江南第一山  
諸天藤帳可容攀  
三茅君竟棲何許  
臘酒方顏玉女顏

座中明月清風我  
舊署青山白雲人  
羊曇至今悼華屋  
車

過腹痛西洲闌

清涼山小西湖薛廬其地直東晉時西洲門勝云明月清風我青山白雲人此子二

十年前舊題也取東坡傳奕語

風月湖山閑是主  
桑根一老憶清標  
寒泉枕碧薦秋菊  
屢舞傳芭促翠翹

吳娃養色含津氣  
乍可年華三五餘  
睡裡飛花近蛾綠  
齊宮妝束總難如



舞衣窄窄裁輕雲歌扇團團裂明月  
鼻聲道是輕乘捐秋霜入鬢紅芳歇

淺淺山圍倭墮鬟盈盈水抱碧娜嬛  
不歸料被妻孥恠臘日何人解看山

暝雲來自翠微巔高下千燈映水燃  
列炬驚翻栖鶻起舞筵蹴破蟄龍眠

芙蓉作船絲作紉北斗橫天月將落  
二句襲梁樂府曲中子夜懽

未涯青絲白馬壽陽來

興亡六代閱紛紜付與斜陽細艸薰  
我有誅墓一長劒何處東求蒼海君

寤園有樹譚云明石斛某行人使墨利加從海外載  
歸以獻左湘陰使相使相轉遺桑根丈遂植之池上  
文襄作記書此一段因緣今且分柯亭亭如張兩繖  
而兩公以光緒乙酉嘗先後辭世艸宿十三年矣摩  
挲此樹不覺泣然光緒丁酉歲除前四日鈍椎書

似蒲桃逐漢臣迴故宅穹祠相對開

文襄祠堂亦在龍蟠里

此樹廿

三年記取華筵面水六人來

是日筱珊松岑兩山長仲魯經郭兩僉巡顧山人真酒於

此爲予祖席

絕域異花開爛漫出欄奇樹閒檀欒須將手植殷勤護放  
使千霄巢鳳鵠

恪靖相侯祠堂

落衣碧瓦鋪朱甍光燭神山栖烏驚兩世感恩緣不淺

公督

兩江日賜百金趣一流垂盡業何成謝公雞夢身難贖長

刻先大夫墓表石

史荆駢意未平北望洛中何鬱鬱更無人議十團營

神機營文

文忠擲立從無漢大臣督操公始以漢大學士領之

臘月二十六日獨游燕子磯

裕陵神武六南巡駐蹕奎章鏡翠峒下拜穹亭還侍立中

千仞瞰一敞塵

東甕扶桑西月支蟬嫣何意運陵遲渡江誰是持三論幕

府山頭卓帳旗

雨黥挾予緣磴上

是晨雪消泥滑周都司及兩老兵掖予上下幾瀕蹉跌

那有嵌空

石燕巢軋笑阮翁謗藻續山童只有石嵯嶢

一洲環合水崩潏江似青羅帶抱環欲跼靈鼉乘赤豹宅

中戒衲不開關

欲訪山麓禪局以泥水不可往

火輪扇鞦吹氣笛三茅山鳴百谷磨江水東流我西上迴

看惟有碧雲層

羣山奔湊觀音門小市魚蝦別有村卻恨胸東門割棄愴

攜遠鏡望中邈

聞先割膠州灣百里予德意茲人屯兵艦北洋門戶六重榆關大沽旅順之采威海

當以膠州灣爲第一避風不冰之佳海口曩曾劫侯朱鼎父皆密延諍之以爲築船塢弁台于旅順口之黃金山白玉山地淺陋易受敵攻不如膠灣寬敞重阻形勢便利予亦力贊其議倭蚌既起前言遂諛今如失此天險何哉

兩天門

何人淩風採紫芝

荆公詩採芝天門山云云

驂駕玉虬東溟來開兩蒼

闔延登之謁見靈威仰赫曦小臣稽首前陳詞萬國赤子  
憂休飢帝將掾之衛以慈槃瓠弄兵盜潢池力能頭觸常  
羊維示以毗沙四威儀文武吉甫張六師手挾霧霧起風  
痹登進眾直斥韋脂光芒六合平旡陂兩天門開夢見之  
赤松綠圖爲我師輕世適志吾行規

卻寄費齋六丈

迴眄層城烟樹多寶藍田墅可張羅平生汲鰲原相許眾  
陶瓢山且耐佗

周國祥將行

鄱陽一校蔡明遠重爲殷勤書數行憑語栖霞山道者待  
胄三月去休糧